

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI KHAMIS, 2 APRIL 2015, PUKUL 10.00 PAGI

Bil. 16

PERTANYAAN-PERTANYAAN BAGI JAWAB LISAN

1. PR-1331-L65823
Tuan Haji Ahmad Nazlan bin Idris [Jerantut] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan adakah keperluan peralatan menangani banjir di balai-balai bomba di seluruh negara sesuai dan mencukupi serta apakah langkah susulan yang diambil bagi mengimbangi keperluan peralatan bersesuaian dengan keadaan semasa.
2. PR-1331-L67064
Tuan Manivanan a/l Gowindasamy [Kapar] minta **MENTERI BELIA DAN SUKAN** menyatakan:-
 - (a) langkah-langkah Kerajaan memperbaiki kegagalan Malaysia dalam Sukan Komanwel 2014 yang mana Malaysia hanya memungut 6 pingat emas, 7 pingat perak dan 6 pingat gangsa berbanding pungutan pingat pada Sukan Komanwel sebelumnya iaitu 12 pingat emas, 10 pingat perak dan 13 pingat gangsa. Apakah punca kegagalan skuad Malaysia dan hasil '*post mortem*' yang telah dilakukan; dan
 - (b) langkah-langkah Kerajaan memperbaiki kegagalan Malaysia dalam Sukan Asia 2014 di mana Malaysia hanya memungut 5 pingat emas, 14 pingat perak dan 14 pingat gangsa berbanding pungutan pingat Malaysia pada Sukan Asia 2010 iaitu 9 pingat emas, 18 pingat perak dan 14 pingat gangsa. Apakah punca kegagalan skuad Malaysia dan hasil '*post mortem*' yang telah dilakukan.
3. PR-1331-L66472
Ir. Shaharuddin bin Ismail [Kangar] minta **MENTERI PENGANGKUTAN** menyatakan berapakah peratusan mereka yang gagal semasa menduduki ujian berkomputer untuk mendapat lesen memandu. Apakah kaedah terbaik untuk bakal-bakal pemandu mendapat pengetahuan tentang undang-undang lalu lintas selain daripada menduduki ujian berkomputer yang dilihat begitu mengelirukan.

4. PR-1331-L67351
Tuan Mohamed Hanipa bin Maidin [Sepang] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan:-
 - (a) apakah status terkini berhubung isu pembinaan rumah baru bagi memindahkan para penduduk Flat Taman Permata, Dengkil sepertimana yang dijanjikan oleh pihak Kementerian; dan
 - (b) berapakah jumlah rumah yang akan dibina oleh Kementerian untuk tujuan pemindahan tersebut.
5. PR-1331-L65568
Datuk Sapawi bin Ahmad Wasali [Sipitang] minta **MENTERI KEWANGAN** menyatakan sejauhmana kesan Kempen Penjelasan Mengenai GST dan apakah persediaan akhir sudah dibuat menjelang pelaksanaan GST pada 1 April depan.
6. PR-1331-L66152
Tuan Wong Tien Fatt @ Wong Nyuk Foh [Sandakan] minta **MENTERI KESIHATAN** menyatakan rancangan Kementerian sama ada bersedia membina satu bangunan letak kenderaan di sekeliling Hospital Awam Sandakan memandangkan masalah tempat letak kereta yang amat tidak mencukupi.
7. PR-1331-L66011
Dato' Shamsul Anuar bin Haji Nasarah [Lenggong] minta **PERDANA MENTERI** menyatakan:-
 - (a) kerugian yang dialami kesan bencana banjir baru-baru ini mengikut Kementerian dan negeri; dan
 - (b) apakah Kerajaan bercadang meminda beberapa peraturan berkaitan bencana yang tidak sesuai lagi digunakan masa kini.
8. PR-1331-L65494
Dato' Takiyuddin bin Hassan [Kota Bharu] minta **MENTERI BELIA DAN SUKAN** menyatakan acara sukan dan sasaran pencapaian atlit-atlit negara pada Temasya Sukan SEA pada Jun 2015 di Singapura nanti.
9. PR-1331-L65874
Datuk Raime bin Unggi [Tenom] minta **MENTERI TENAGA, TEKNOLOGI HIJAU DAN AIR** menyatakan bilakah projek Hidro Ulu Padas dapat dijalankan seperti yang telah diumumkan oleh YB. Menteri di Kemabong.
10. PR-1331-L66277
Tuan Su Keong Siong [Ipoh Timor] minta **MENTERI PERDAGANGAN ANTARABANGSA DAN INDUSTRI** menyatakan berapa banyak hab halal telah dimulakan oleh Kerajaan. Apakah kadar kejayaan hab halal yang telah beroperasi dan jenis industri yang menyertai hab halal.

11. PR-1331-L66675
Tuan Haji Hasbi bin Haji Habibollah [Limbang] minta **MENTERI SUMBER ASLI DAN ALAM SEKITAR** menyatakan apakah fenomena banjir yang dahsyat dan hujan berlebihan sekarang ini adalah fenomena biasa disebabkan pemanasan global ke atas bumi.
12. PR-1331-L66384
Tuan Sim Chee Keong [Bukit Mertajam] minta **MENTERI KESIHATAN** menyatakan jumlah lawatan pemeriksaan (*inspection*) yang telah dijalankan dan berapa jumlah nilai saman telah dikeluarkan kepada pemilik-pemilik premis yang didapati mempunyai tapak pembiakan nyamuk Aedes ikut pecahan tahun dan negeri dari 2008-2014.
13. PR-1331-L66597
Datuk Liang Teck Meng [Simpang Renggam] minta **MENTERI PERTANIAN DAN INDUSTRI ASAS TANI** menyatakan apakah yang menyebabkan berlakunya lambakan beras dan tindakan yang diambil oleh Kementerian berkenaan isu ini yang sedikit sebanyak menjejaskan petani yang terpaksa menanggung kerugian.
14. PR-1331-L66417
Raja Dato' Kamarul Bahrin Shah [Kuala Terengganu] minta **MENTERI SUMBER ASLI DAN ALAM SEKITAR** menyatakan berapakah jumlah saman yang telah dikenakan dan atas kesalahan apakah telah Kementerian kenakan kepada *Eastern Steel* di Teluk Kalong Kemaman, Terengganu.
15. PR-1331-L65713
Datuk William @ Nyallau anak Badak [Lubok Antu] minta **MENTERI KEWANGAN** menyatakan berapa buah mini *Urban Transformation Centre (UTC)* akan dibuat di seluruh Sarawak memandangkan ianya begitu baik dan berfaedah untuk rakyat bagi mendapatkan khidmat dan maklumat daripada Kerajaan dan swasta yang terlibat di satu tempat sahaja (*one stop centre*).
16. PR-1331-L65751
Tuan M. Kulasegaran [Ipoh Barat] minta **PERDANA MENTERI** menyatakan sejauh manakah "Persidangan Kebangsaan Mengenai Pertumbuhan dan Keterangkuman (*National Conference On Growth and Inclusiveness*) berjaya menyediakan cadangan untuk mentransformasi ekonomi kaum India menjelang 2020. Apakah cadangan yang telah diterima serta apakah langkah proaktif Kerajaan untuk membangunkan ekonomi kaum India di Malaysia.
17. PR-1331-L67413
Dato' Sri Azalina binti Dato' Othman Said [Pengerang] minta **PERDANA MENTERI** menyatakan sebab pengecualian dalam Seksyen 375 Kanun Keseksan, iaitu suami tidak boleh didakwa merogol isterinya, masih belum digugurkan daripada definisi rogol, memandangkan golongan wanita sering menjadi mangsa keganasan rumah tangga sehingga dipaksa supaya melakukan hubungan seks dan ini adalah satu kesalahan yang serius.

18. PR-1331-L67164
Dr. Michael Jeyakumar Devaraj [Sungai Siput] minta **MENTERI SUMBER ASLI DAN ALAM SEKITAR** menyatakan bilangan orang yang meninggal dunia dengan meninggalkan harta pusaka antara RM1-3 juta, RM4-5 juta, RM6-10 juta dan yang melebihi RM10 juta kepada pewarisnya untuk tiap tahun antara 2005 dan 2014.
19. PR-1331-L66291
Datuk Zahidi bin Zainul Abidin [Padang Besar] minta **MENTERI SUMBER MANUSIA** menyatakan kesan perlaksanaan gaji minimum kepada para pekerja dalam industri perkhidmatan seperti kedai runcit, gerai dan seumpamanya daripada sudut pihak majikan dan pekerja.
20. PR-1331-L65657
Puan Hajah Zuraida binti Kamaruddin [Ampang] minta **PERDANA MENTERI** menyatakan adakah kondisi bas pengangkutan awam seperti Metrobus dan SJ Bus akan dinaiktaraf atau diselaraskan sekurang-kurangnya seperti Rapid KL.
21. PR-1331-L66029
Tuan Anyi Ngau [Baram] minta **MENTERI PEMBANGUNAN WANITA, KELUARGA DAN MASYARAKAT** menyatakan adakah terdapat rancangan oleh pihak Kementerian untuk menambah jumlah Program Pemulihan Dalam Komuniti (PDK) bagi menampung keperluan 400 penduduk Orang Kelainan Upaya (OKU) di Baram.
22. PR-1331-L66131
Tuan Ignatius Dorell Leiking [Penampang] minta **MENTERI PENDIDIKAN** menyatakan bagi pelaksanaan tahun 2014, mengapa 24 buah projek di Sabah yang merangkumi projek pembinaan baru, gantian penuh dan ubah suai taraf bangunan sekolah-sekolah diluluskan dengan kos setinggi RM130.7 juta sedangkan di Sarawak, 22 buah projek yang sama diluluskan dengan kos hanya sebanyak RM73.6 juta.
23. PR-1331-L67429
Dato' Seri Tiong King Sing [Bintulu] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan apakah Kementerian mempunyai rancangan supaya menggiatkan operasi bersama kerajaan tempatan dengan kerjasama polis serta penguatkuasa yang lain untuk membanteras penggunaan kedai-kedai atau perumahan untuk kegiatan perjudian mesin kuda.
24. PR-1331-L66973
Tuan Wong Ling Bui [Sarikei] minta **MENTERI PERUSAHAAN PERLADANGAN DAN KOMODITI** menyatakan apakah tindakan kerajaan pusat yang akan diambil untuk membantu pekebun-pekebun kecil getah dan kelapa sawit supaya meringankan bebanan mereka memandangkan harga komoditi-komoditi tersebut begitu rendah sekali. Senaraikan subsidi-subsidi yang diberikan oleh Kerajaan Pusat untuk membantu pekebun-pekebun tersebut.

25. PR-1331-L66795
Datuk Juslie bin Ajirol [Libaran] minta **MENTERI KEWANGAN** menyatakan:-
- (a) tahap pemahaman dan keterlibatan syarikat-syarikat di negara ini dalam memahami bagaimana Sistem Cukai GST bakal dilaksanakan 1 April depan; dan
 - (b) berapakah jumlah geran latihan GST untuk membolehkan dewan-dewan perniagaan, persatuan profesional dan persatuan industri menganjurkan lebih banyak program pemahaman GST.
26. PR-1331-L67208
Dato' Dr. Mujahid Yusof Rawa [Parit Buntar] minta **MENTERI SUMBER ASLI DAN ALAM SEKITAR** menyatakan tentang Dasar Perhutanan Negara dan Rancangan Fizikal Negara dan sejauh mana Kerajaan negeri mematuhi garis panduan yang ditetapkan.
27. PR-1331-L66557
Puan Rubiah binti Haji Wang [Kota Samarahan] minta **PERDANA MENTERI** menyatakan bagaimanakah tindakan Kerajaan mengatasi masalah dan juga kelemahan di pusat pemindahan banjir dari pelbagai aspek bagi memberi keselesaan kepada mangsa banjir.
28. PR-1331-L66574
Dr. Ong Kian Ming [Serdang] minta **MENTERI KERJA RAYA** menyatakan langkah yang akan diambil untuk menaik taraf jalan di sekitar Bulatan Lumba Kuda Selangor dan jalan keluar dari Lebuhraya Utara Selatan ke Lebuhraya Bukit Jalil yang sering mengalami kesesakan trafik yang teruk.
29. PR-1331-L65538
Tuan Nogeh anak Gumbek [Mas Gading] minta **MENTERI DALAM NEGERI** menyatakan usaha terkini Kementerian untuk mengekang penularan ideologi kumpulan militan ISIS di kalangan penduduk tempatan.
30. PR-1331-L66780
Tuan Nik Mohamad Abduh bin Nik Abdul Aziz [Pasir Mas] minta **MENTERI PERTAHANAN** menyatakan jumlah wang yang dilabur untuk Program Latihan Khidmat Negara mengikut tahun sejak ia diperkenalkan pada 2004.
31. PR-1331-L65682
Datuk Johari bin Abdul Ghani [Titiwangsa] minta **MENTERI PENDIDIKAN** menyatakan tentang sebarang cadangan dalam meneliti semula konsep bayaran hutang PTPTN di dalam memberi kelonggaran tertentu terutamanya kepada kelompok yang masih tidak mendapat pekerjaan atau kelompok yang masih belum mendapat pekerjaan yang setaraf dengan kelayakan.

32. PR-1331-L66622
Tuan Ahmad Marzuk bin Shaary [Bachok] minta **MENTERI PELANCONGAN DAN KEBUDAYAAN** menyatakan adakah pihak Kementerian bercadang membina sebuah Muzium Musibah Banjir di Kelantan sebagaimana didirikan Muzium Tsunami di Aceh bagi menarik pelancong ke Kelantan dan mendidik para pelancong akan hikmah kejadian banjir.
33. PR-1331-L66420
Dato' Johari bin Abdul [Sungai Petani] minta **PERDANA MENTERI** menyatakan pesawat milik negara 9M-NAA, yang membawa Perdana Menteri keluar negara pada penghujung tahun 2014 tidak pulang ke Malaysia hinggalah 4 Januari 2015:-
- (a) apa bentuk kerosakan yang dialami oleh pesawat seperti yang dilaporkan oleh media; dan
 - (b) di manakah pesawat tersebut diselenggara dan berapa kos yang terlibat.
34. PR-1331-L67305
Dato' Haji Mahfuz bin Omar [Pokok Sena] minta **PERDANA MENTERI** menyatakan secara terperinci jumlah kos perbelanjaan jet rasmi Kerajaan 9M-NAA bermula tarikh 20 Disember 2014 sehingga 4 Januari 2015. Sila nyatakan perbelanjaan pesawat tersebut mengikut tarikh dari mana ke mana serta siapakah yang menyertai penerbangan tersebut.
35. PR-1331-L66784
Tuan Chong Chieng Jen [Bandar Kuching] minta **MENTERI DALAM NEGERI** menyatakan apakah hasil siasatan atas kumpulan Sabah Sarawak Keluar Malaysia (SSKM) dan apakah pendirian dan tindakan yang akan diambil oleh Kerajaan terhadap gerakan SSKM.
36. PR-1331-L66442
Tuan William Leong Jee Keen [Selayang] minta **MENTERI KEWANGAN** menyatakan sama ada kejatuhan ringgit kepada Dollar Amerika Syarikat adalah disebabkan spekulasi oleh Tong Kooi Ong dan jika tidak, apakah alasan-alasan ringgit yang semakin lemah.
37. PR-1331-L65647
Dato' Henry Sum Agong [Lawas] minta **MENTERI PELANCONGAN DAN KEBUDAYAAN** menyatakan tentang peluang dan usaha oleh Kementerian terhadap industri pelancongan di luar bandar.
38. PR-1331-L65637
Dato' Haji Zainudin bin Ismail [Jelebu] minta **MENTERI PERTAHANAN** menyatakan:-
- (a) apakah implikasi kewangan ke atas pengusaha dan pembekal di kem-kem latihan PLKN akibat penangguhan pengambilan pelatih PLKN; dan
 - (b) jumlah kesan kewangan tersebut dan apakah pelan alternatif bagi menjaga kebajikan mereka.

39. PR-1331-L65593
Dato' Abdul Manan bin Ismail [Paya Besar] minta **PERDANA MENTERI** menyatakan setakat mana agenda bagi memperkasakan ekonomi Bumiputera telah dilaksanakan berdasarkan peruntukan dan ada geran sebanyak RM78 juta disediakan bagi tahun 2015 menerusi antaranya, Yayasan Waqaf Malaysia, Unit Peneraju Agenda Bumiputera (TERAJU) dan Perbadanan Usahawan Nasional Berhad (PUNB).
40. PR-1331-L65378
Dato' Wira Othman bin Abdul [Pendang] minta **PERDANA MENTERI** menyatakan adakah Kerajaan bercadang untuk menubuhkan Kementerian Pembangunan Koperasi memandangkan usaha pembangunan ekonomi rakyat adalah penting dibangunkan secara menyeluruh dan agihan kekayaan boleh dibuat secara saksama. Kalau tidak, mengapa.
41. PR-1331-L67053
Datuk Haji Datu Nasrun bin Datu Mansur [Silam] minta **MENTERI KEWANGAN** menyatakan melalui amaran yang diberikan oleh Penarafan Kredit Antarabangsa Fitch Ratings, yang menunjukkan kenaikan sasaran defisit Fiskal Malaysia daripada 3.0% kepada 3.2 % adakah ia berpunca daripada kebergantungan Malaysia terhadap nilai pasaran harga minyak dunia yang semakin jatuh. Apakah langkah pengukuhan ekonomi yang diambil oleh kerajaan dalam memastikan ekonomi Malaysia kekal stabil.
42. PR-1331-L65603
Tuan Sim Tong Him [Kota Melaka] minta **MENTERI KEWANGAN** menyatakan:-
- (a) sebab-sebab Kerajaan memilih untuk mengumumkan perutusan khas perkembangan ekonomi semasa di Putrajaya dan bukan melalui persidangan khas Parlimen; dan
 - (b) bukannya ini boleh dianggap ia telah menghina Parlimen yang meluluskan Bajet 2015.
43. PR-1331-L66304
Tuan Wong Sze Phin @ Jimmy [Kota Kinabalu] minta **MENTERI KERJA RAYA** menyatakan statistik yang terperinci mengenai jumlah trafik di setiap jalan persekutuan dalam Greater Bandaraya Kota Kinabalu dari tahun 2005 hingga 2014. Berapakah jumlah kereta yang menggunakan jalan tersebut dalam sehari dan waktu puncak, mengikut nama jalan, jumlah trafik dan jarak jalan berkenaan.
44. PR-1331-L66067
Tuan Ng Wei Aik [Tanjong] minta **PERDANA MENTERI** menyatakan rasional pegawai-pegawai daripada Jabatan Hal Ehwal Khas (JASA) dapat dilantik sebagai Penolong-Penolong Pendaftar SPR, manakala wakil-wakil parti politik pula diberhentikan perlantikan mereka sebagai Penolong-Penolong Pendaftar walaupun pegawai-pegawai JASA merupakan perlantikan politik di kalangan parti-parti komponen Barisan Nasional.

45. PR-1331-L67291
Tuan Haji Khalid bin Abdul Samad [Shah Alam] minta **MENTERI PENGANGKUTAN** menyatakan jumlah pampasan yang telah dibayar kepada 2 syarikat pengendali AES dan bagaimana jumlah tersebut ditetapkan.
46. PR-1331-L65963
Dr. Che Rosli bin Che Mat [Hulu Langat] minta **MENTERI KESIHATAN** menyatakan adakah Kementerian akan mengguna pakai vaksin denggi yang telah dibuat ujian klinikal oleh Sanofi Pasture• iaitu cabang vaksin konglomerat Perancis, Sanofi dalam usaha mengatasi masalah denggi yang berleluasa dalam negara kita.
47. PR-1331-L67126
Tan Sri Dato' Sri Dr. Jamaluddin bin Mohd Jarjis [Rompin] minta **MENTERI PENGANGKUTAN** menyatakan:-
- (a) kemajuan pembangunan lapangan terbang di Pulau Tioman dapat disegerakan sebagai daya tarikan pelancong ke pulau tersebut di samping memberikan semangat baru kepada pengusaha-pengusaha chalet; dan
 - (b) adakah benar, Syarikat Berjaya Air akan memberhentikan perkhidmatannya dari Subang ke Pulau Tioman. Jika benar, apakah usaha-usaha lain yang dicadangkan bagi memastikan bahawa Pulau Tioman tidak terputus daripada dunia luar.
48. PR-1331-L66177
Dato' Wira Mohd Johari bin Baharom [Kubang Pasu] minta **MENTERI KEWANGAN** menyatakan tentang kedudukan rezab kewangan negara dalam 5 lima tahun lalu, apakah negara kita mampu bertahan dengan ekonomi dunia yang semakin merosot sedangkan Malaysia banyak bergantung kepada pengukuhan ekonomi negara AS, EU, Jepun dan China. Apakah jangkaan KDNK Malaysia untuk tahun 2015 dan apakah jangkaan 2016 serta kesan kepada indeks Harga Pengguna (CPI) untuk tahun 2015 dan 2016.
49. PR-1331-L67258
Dr. Hajah Siti Mariah binti Mahmud [Kota Raja] minta **MENTERI KESIHATAN** menyatakan implikasi dasar mewajibkan laporan kepada Jabatan Imigresen jika pesakit yang memerlukan rawatan adalah Pendatang Asing Tanpa Izin (PATI) dan bagaimana KKM merancang membendung penyakit berjangkit di kalangan PATI.
50. PR-1331-L66652
Tan Sri Datuk Seri Panglima Joseph Pairin Kitingan [Keningau] minta **MENTERI DALAM NEGERI** menyatakan Keningau sebelum ini mempunyai Kem Pasukan Polis Hutan (PPH), bagaimanapun telah ditutup dan dialihkan ke Batalion 16 Kota Kinabalu sebagai Pasukan Gerak Am (PGA), adakah cadangan bekas tapak yang tidak berpenghuni dibangunkan dan mewujudkan semula satu lagi Batalion PGA untuk mempertingkatkan kawalan keselamatan negeri Sabah di samping, memudahkan penghantaran anggota PGA yang berkawal di kawasan sempadan Pensiangan/Kalimantan Indonesia demi untuk mengekang jenayah rentas sempadan.

51. PR-1331-L65978
Puan Siti Zailah binti Mohd Yusoff [Rantau Panjang] minta **MENTERI KESIHATAN** menyatakan apakah hasil kajian dan analisa terperinci telah dilaksanakan oleh Kementerian sebelum pelaksanaan Undang-undang (*Dispensing Separation*) dilaksanakan di negara kita dan kesannya kepada rakyat bawahan.
52. PR-1331-L66892
Dr. Haji Izani bin Haji Husin [Pengkalan Chepa] minta **MENTERI SUMBER ASLI DAN ALAM SEKITAR** menyatakan jumlah kes pembalakan haram yang dilaporkan sejak tahun 2004 sehingga 2014 mengikut negeri-negeri. Apakah langkah yang telah dan akan diambil oleh Kerajaan dalam membendung kegiatan ini.
53. PR-1331-L65419
Dato' Seri Ong Ka Chuan [Tanjong Malim] minta **MENTERI DALAM NEGERI** menyatakan apakah langkah-langkah yang akan diambil oleh Kerajaan untuk membanteras individu-individu yang telah ditahan kerana terlibat dalam kegiatan Kumpulan Negara Islam (IS), agar mereka tidak dapat menyebarkan ideologi dan pegangan ekstremis kepada orang lain.
54. PR-1331-L67205
Tan Sri Datuk Seri Panglima Annuar bin Musa [Ketereh] minta **MENTERI PERTANIAN DAN INDUSTRI ASAS TANI** menyatakan adakah Kementerian telah membuat kajian sejauh manakah kerosakan yang dialami oleh penanam padi akibat banjir dan sejauh manakah kerosakan prasarana tali air akan menjejaskan penanaman padi di Kawasan Kemajuan Pertanian Kemubu (KADA) pada musim tanaman akan datang.
55. PR-1331-L65775
Tuan Wilson Ugak Kumbong [Hulu Rajang] minta **MENTERI KEWANGAN** menyatakan adakah Kementerian akan mengkaji semula Skim Pinjaman Perumahan Kerajaan (*Government Housing Loan*) yang tidak membenarkan pasangan suami isteri untuk membuat pinjaman bersama disebabkan masing-masing bekerja dengan Kerajaan Persekutuan dan negeri.
56. PR-1331-L65947
Dato' Dr. Nik Mazlan bin Nik Mohamad [Pasir Puteh] minta **MENTERI DALAM NEGERI** menyatakan apakah langkah-langkah Kerajaan untuk membendung gejala jenayah kecurian yang meningkat di negeri Kelantan. Apakah sebab sebenar gejala ini bertambah.
57. PR-1331-L67010
Tuan Mohamed Azmin bin Ali [Gombak] minta **MENTERI KEWANGAN** menyatakan:-
- (a) sebab-sebab perjanjian dan tender terbuka seperti dicadangkan Everbright International Construction Ltd. pada 2011 kepada UDA Holdings Sdn. Bhd. bagi pembangunan Bukit Bintang City Centre (BBCC) dibatalkan; dan

- (b) pegangan saham dan pembiayaan kewangan Kumpulan Wang Simpanan Pekerja (KWSP) dalam projek tersebut.
58. PR-1331-L66077
Datuk Noor Ehsanuddin bin Mohd Harun Narrashid [Kota Tinggi] minta **PERDANA MENTERI** menyatakan apakah formula penyelesaian yang dilaksanakan oleh Kementerian dalam menjelaskan isu-isu yang membabitkan sistem kehakiman negara yang ada kalanya dipertikaikan oleh negara luar seperti Amerika Syarikat, Australia dan sebagainya.
59. PR-1331-L66805
Datuk Koh Nai Kwong [Alor Gajah] minta **MENTERI DALAM NEGERI** menyatakan dasar yang dilaksanakan untuk mengimbangkan mengenai isu kebebasan hak asasi manusia dengan cadangan pengekalan Akta Hasutan di Malaysia.
60. PR-1331-L66361
Dato' Haji Abdul Rahman bin Haji Mohamad [Lipis] minta **MENTERI PEMBANGUNAN WANITA, KELUARGA DAN MASYARAKAT** menyatakan program-program yang dilaksanakan untuk membantu golongan yang miskin dan tidak lagi bergantung kepada bantuan Kementerian untuk berdikari.
61. PR-1331-L65925
Puan Alice Lau Kiong Yieng [Lanang] minta **MENTERI KERJA RAYA** menyatakan sama ada Kerajaan Persekutuan sudah bersedia untuk mengambil alih Jambatan Lanang jika dipersetujui oleh Kerajaan Negeri Sarawak dan adakah perbincangan tentang pengambil alihan Jambatan Lanang diadakan sejak 2006 hingga sekarang. Jika ada, apakah kesan perbincangan tersebut. Jika tidak, kenapa.
62. PR-1331-L67323
Ust. Datuk Dr. Mohd. Khairuddin bin Aman Razali [Kuala Nerus] minta **MENTERI PERDAGANGAN ANTARABANGSA DAN INDUSTRI** menyatakan:-
- (a) bilangan terkini usahawan perusahaan kecil dan sederhana (PKS) yang telah memohon Dana Kecemasan PKS (SMEEF) yang diuruskan oleh SME Corporation dan Malaysian Industrial Development Finance Bhd. (MIDF); dan
- (b) apakah usaha-usaha yang dilakukan bagi memastikan kesemua 13,337 usahawan PKS yang dikenal pasti terjejas akibat banjir memohon dan mendapatkan bantuan daripada dana tersebut.
63. PR-1331-L67452
Datuk Hajah Norah binti Abd Rahman [Tanjong Manis] minta **MENTERI KEWANGAN** menyatakan apakah kesan penurunan harga minyak di pasaran dunia terhadap ekonomi dan belanjawan negara kita.

64. PR-1331-L66519
Datuk Mohd Idris bin Jusi [Batu Pahat] minta **PERDANA MENTERI** menyatakan usaha-usaha yang dijalankan oleh Kerajaan bagi menjelaskan bahawa manusia dicipta oleh Allah s.w.t pelbagai bangsa dan suku kaum supaya saling berkenalan (Al-Quran, 49:13), dan pelbagai bahasa dan warna kulit (Al-Quran, 30:25) sebagai suatu kurniaan Allah s.w.t dan bukan punca perpecahan dan permusuhan.
65. PR-1331-L67005
Tan Sri Dato Sri William Mawan Ikom [Saratok] minta **PERDANA MENTERI** menyatakan jumlah dana yang diperuntukkan bagi tujuan infrastruktur semula kepada negeri-negeri yang terlibat dengan banjir besar baru-baru ini terutamanya di Pantai Timur Semenanjung, Sabah dan Sarawak.
66. PR-1331-L65485
Dato' Kamarul Baharin bin Abbas [Telok Kemang] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan apakah tindakan pengawalan dan pendakwaan terhadap pengeluar, pembekal dan pemborong barangan yang sewenang-wenangnya menaikkan harga barang yang sekarang ini pendakwaan dan tindakan hanya dikenakan terhadap peniaga-peniaga dan peruncit-peruncit kecil.
67. PR-1331-L65404
Datuk Linda Tsen Thau Lin [Batu Sapi] minta **MENTERI KEWANGAN** menyatakan kesan-kesan daripada kejatuhan harga minyak mentah dan cara-cara penyelesaian masalah-masalah yang diakibatkan oleh kejatuhan harga minyak mentah ini.
68. PR-1331-L66682
Dato' Ngeh Koo Ham [Beruas] minta **MENTERI KEWANGAN** menyatakan adakah Cukai Barang & Perkhidmatan (GST) dikenakan apabila harta komersial atau harta perindustrian melebihi RM500,000 dipindah milik daripada penjual kepada pembeli dan daripada ibu bapa kepada anak secara kasih sayang.
69. PR-1331-L67478
Tuan V. Sivakumar [Batu Gajah] minta **MENTERI PERDAGANGAN ANTARABANGSA DAN INDUSTRI** menyatakan sama ada kereta PROTON berjaya berdaya saing dengan kereta-kereta yang diimport daripada negara luar. Adakah PROTON mampu memenuhi pasaran tempatan dan nyatakan tempoh menunggu yang terpaksa dilalui oleh seseorang pembeli selepas membuat tempahan.

ATURAN URUSAN MESYUARAT DAN USUL-USUL

1. (D.R. 26/2014) Rang Undang-undang Perhubungan Perusahaan (Pindaan) 2014 - **Meyambung semula Perbahasan atas masalah, “Bahawa Rang Undang-undang ini dibacakan kali yang kedua sekarang” (1 April, 2015)**

[Menteri Sumber Manusia]
2. (D.R. 30/2014) Rang Undang-undang Teknologis dan Juruteknik 2014 **Bacaan Kali Yang Kedua**

[Menteri Sains, Teknologi dan Inovasi]
3. (D.R. 2/2015) Rang Undang-undang Lembaga Pembiayaan Perumahan Sektor Awam 2015 “

[Menteri Kewangan]
4. (D.R. 10/2015) Rang Undang-undang Pencegahan Keganasan 2015 “

[Menteri Dalam Negeri]
5. (D.R. 6/2015) Rang Undang-undang Langkah-Langkah Khas Menentang Keganasan di Luar Negara 2015 “

[Menteri Dalam Negeri]
6. (D.R. 5/2015) Rang Undang-undang Penjara (Pindaan) (No.2) 2015 “

[Menteri Dalam Negeri]
7. (D.R. 4/2015) Rang Undang-undang Kanun Keseksaan (Pindaan) 2015 “

[Menteri Dalam Negeri]
8. (D.R. 8/2015) Rang Undang-undang Pencegahan Jenayah (Pindaan) 2015 “

[Menteri Dalam Negeri]
9. (D.R. 9/2015) Rang Undang-undang Kanun Tatacara Jenayah (Pindaan) 2015 “

[Menteri Dalam Negeri]

10. (D.R. 7/2015) Rang Undang-undang Kesalahan Keselamatan (Langkah-Langkah Khas) (Pindaan) 2015 **Bacaan Kali Yang Kedua**

[Menteri Dalam Negeri]

11. (D.R. 12/2015) Rang Undang-undang Keterangan (Pindaan) 2015 “

[Menteri di Jabatan Perdana Menteri]

12. (D.R. 1/2015) Rang Undang-undang Ahli Kimia (Pindaan) 2015 “

[Menteri Sains, Teknologi dan Inovasi]

13. (D.R. 23/2014) Rang Undang-undang Ahli Parlimen (Saraan) (Pindaan) 2014 “

[Perdana Menteri]

14. **Menteri Kewangan** akan mencadangkan:-

“Bahawa Dewan ini, mengikut peruntukan perenggan 4(b) Akta Pendanaan Kerajaan 1983 [Akta 275], mengambil ketetapan supaya Kerajaan memindahkan sebanyak RM39.592 bilion wang terimaan Terbitan Pelaburan Kerajaan (TPK) yang diterima di bawah seksyen 3(1) Akta yang sama ke Kumpulan Wang Pembangunan yang dinyatakan dalam Jadual Kedua Akta Tatacara Kewangan 1957 [Akta 61] bagi maksud Kumpulan Wang tersebut.”

15. **Menteri Dalam Negeri** akan mencadangkan:-

“Bahawa Majlis ini membuat resolusi menurut subseksyen (4), Seksyen 1, Akta Dadah Berbahaya (Langkah-Langkah Pencegahan Khas) 1985 supaya akta ini hendaklah terus berkuatkuasa bagi tempoh 5 tahun lagi mulai dari 15 Jun 2015”

16. PR-1331-U65762

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, agama Islam adalah agama rasmi negara ini, namun kebebasan beragama di negara ini terjamin seperti yang termaktub dalam Perlembagaan Persekutuan. Dan mengambil maklum juga, isu agama adalah merupakan isu sensitif terutama sekali dalam negara yang berbilang kaum dan agama. Dan mengambil maklum juga bahawa, penukaran agama bagi mereka yang di bawah umur memerlukan persetujuan daripada ibu bapa mereka terlebih dahulu sebelum mereka menukar agama.

Dalam kes penukaran agama anak perempuan (berumur 16 tahun) Encik Jilius Yapoo yang berlaku di Sekolah Menengah Kinarut dengan tanpa persetujuan ibu bapa kanak-kanak ini telah mengundang spekulasi dan andaian yang tidak sihat terutama sekali kepada perpaduan kaum dan agama di negara ini. Insiden ini sedikit sebanyak telah menghakis dan melunturkan kepercayaan rakyat (terutama sekali yang bukan beragama Islam) terhadap institusi sekolah sebagai pusat ilmu dan juga kepada sistem perundangan negara, di mana kebebasan beragama adalah terjamin seperti yang termaktub dalam Perlembagaan Persekutuan. Maka, bagi menangani masalah ini, Dewan yang mulia ini hendaklah mengambil ketetapan bahawa, mana-mana pihak yang cuba untuk menukar agama mereka yang di bawah umur atau mana-mana individu yang di bawah umur hendak menukar agama mereka, pihak tersebut hendaklah mendapatkan persetujuan bertulis lebih awal daripada ibu bapa individu tersebut. "

[Perdana Menteri]

17. PR-1331-U65853

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum, terdapat rungutan-rungutan di kalangan rakyat negeri Sabah dalam beberapa isu yang mereka fikirkan bahawa hak mereka, seperti yang dijanjikan dan terkandung dalam Perjanjian Malaysia 1963 telah dicabuli atau diendahkan. Dan mengambil maklum juga, antara isu utama yang disuarakan dalam rungutan ini adalah kebanjiran pendatang asing ke negeri Sabah dan ditambah buruk pula dengan pemberian status warga negara kepada mereka ini. Dan mengambil maklum juga bahawa, setiap kali isu 20 perkara dalam Perjanjian Malaysia ini disuarakan, terdapat usaha-usaha pihak tertentu untuk mensenyapkan isu ini dan akhirnya rungutan-rungutan ini menjadi satu gerakan ketidakpuasan hati rakyat. Dan mengambil maklum juga bahawa, gerakan ketidakpuasan hati rakyat ini telah sampai ke satu tahap di mana mereka secara terbuka menggelarkan diri mereka sebagai aktivis Sabah Sarawak keluar Malaysia atau ringkasnya SSKM. Dalam hal ini, Kerajaan hendaklah memandang serius akan kesan dan implikasi perpaduan rakyat serta ketenteraman negara pada keseluruhannya. Kita maklum bahawa, mengambil tindakan undang-undang semata-mata untuk menghalang mereka bagi menyuarakan rungutan mereka ini tidak akan menyelesaikan isu yang ditimbulkan, malah akan merumitkan lagi keadaan di mana mereka akan semakin mendapat simpati daripada kalangan rakyat yang lainnya sementara Kerajaan pula dianggap sebagai tidak prihatin dan kuku besi. Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah merangka satu gerak kerja untuk menangani isu ini secara holistik termasuklah menjemput dan mendengar rungutan mereka ini."

[Menteri Dalam Negeri]

18. PR-1331-U65760

Tuan M. Kulasegaran [Ipoh Barat] akan mencadangkan:-

"Bahawa Dewan Rakyat ini mengambil maklum bahawa banjir telah melanda di beberapa negeri baru-baru ini, di mana harta benda rakyat telah dimusnahkan dan banyak nyawa telah terkorban. Dalam keadaan ini, Dewan ini mengarah Perdana Menteri supaya mengambil strategi jangka masa panjang untuk mengatasi masalah ini dengan segera."

[Perdana Menteri]

19. PR-1331-U66345

Dr. Tan Seng Giaw [Kepong] akan mencadangkan:-

"Bahawa Dewan ini membahaskan banjir besar di negara."

[Perdana Menteri]

20. PR-1331-U66346

Dr. Tan Seng Giaw [Kepong] akan mencadangkan:-

"Bahawa Dewan ini mendebatkan gerakan militan di Malaysia."

[Menteri Dalam Negeri]

21. PR-1331-U67135

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk kes kematian di bawah tahanan Polis Diraja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan."

[Menteri Dalam Negeri]

22. PR-1331-U67141

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia."

[Menteri Pendidikan]

RISALAT-RISALAT YANG DIBAWA KE DALAM MESYUARAT
(DEWAN RAKYAT)

<u>TAHUN</u> <u>2015</u>	<u>RISALAT/DOKUMEN</u>	<u>TARIKH</u> <u>DIBENTANGKAN</u>
ST. 6	Laporan Tahunan Dan Penyata Kewangan Lembaga (Penyelidikan Dan Kemajuan) Perusahaan Timah Bagi Tahun 2013	02 April 2015
ST. 20	Laporan Tahunan dan Penyata Kewangan Universiti Sains Islam Malaysia (USIM) Bagi Tahun 2013	02 April 2015
ST. 35	Laporan Tahunan Dan Penyata Kewangan Dewan Bahasa Dan Pustaka Bagi Tahun 2013	02 April 2015